

曾憲遺稿

詩
前
祭文
策
禱

前
詔
朝
天
錄
稿

卷
八

朝
46
7527

朝鮮總督府圖書印
昭和3.11.30
4035
古
圖書發售號

古朝
46
7527

雪樵遺稿目錄

卷之十一

五言絕句

春祝

壁畫四首

七言絕句

臨湍山城謝主倅李公曙惠魚酒

奉謝主倅令公 春帖五首

春川三首 春詞二首

壁畫二首 次彥誠李僉正勸 韵

無題二首

呈彦誠二首

次送昌期歸田韵二首

和成文文滯韵三首

乞芍藥

觀禮 太廟次杜谷彦誠韵

種盆蓮

牧丹

枯竹生笋

飲罷觀壁畫偶題二首

次子虛

鄭農圃
文學

石田韵二首

次子虛紅白蓮詩韵二首

與人約會於流頭日竟不來題二首

次柳漢堦韵三首 次子虛韵

挽金叅判 五首

李仲實携酒将来訪中路醉到因飲盡即回去

惠以一絕和而謝之
謝景三李參議携三宋

即事

感秋

野酌

書商山東軒

詠柳

玄宗

沙村題貫天詩軸

次五峯東岳諸賢韵題貫天詩軸二首

五言律詩

和謝杜谷無柬仲申二難五首

代舍仲正卿臣國沙村會韵二首

送姜積而京送李叅判尚晚尹全州

奉贈仲實世契二首次柳同知永吉韻

下溪堂

次彦誠杜谷溪堂會話韻二首

次彦誠韻三首挽詞

次子虛韻挽詞

次鄭德容韻詠盆梅三首

七言律詩

壬戌七月望泛舟赤壁次彦誠韻

聞月沙李廷龜亦於是日游降仙樓下有詩次之

二首

臨湍山城呈主倅李公

送宋蓋伯令公以冬至使朝京

次彦誠韻四首
次彦誠喜太宗雨韻

聞李伯胤以北伯赴界路由柯亭製送別章

次景三韻

次景三諸友遊北江時和姜台老詩韻

贈彦誠用前韻
挽李尚書光庭

挽成滄浪文濟
挽詞

挽李生後天之弟
挽李東萊

挽宗室廛山君

挽韓景張

也足寓

次杜谷韵詠花卉

題荷亭

詠萍

旅宿書懷

尚衣院楔軸

也足寓用丫溪堂韵

無題

蔚山

三友堂

李之忠別歸
公即其孫婚

題僧

詩軸

次鄭德容韵

卷之下

詩

五言排律

次柳同知十二韻三首 次柳同知聯句八韻

完平李元翼几杖宴十韻

七言排律

奉和柳同知無東趙侍郎希逸十四韻

五言古詩

村家早起感懷 次秋懷詩十一首

和柳同知雙韻 挽任疎菴叔英

七言古詩

次柳同知苦旱韵二首

前後朝天錄拾遺

詠路柳

贈館妓四首

通州

朝陽門

登望海亭

題遼陽客館二首

奉次芥田寄竹屋韵兼柬東館兩兄

奉和芥田惜別高韵兼柬竹溪趙應竹屋兩兄

朝退二首

觀市

九月八日有懷二首 和竹屋三十韵

次韵

次鄭士朝韵

途中偶吟三首

祭文

祭鄭奉事若文

祭趙掌令翊文

祭歙谷縣令金克文

遣軍官梁謹祭李元勳安炎文

祈雨祭文

祈雨祭雙鶴在通龍神文

箋

賀冬至箋

賀誕日箋

賀平造賊箋

雜著

紆岳陽書堂會文

也是窩上樑文

雪樵遺稿目錄終

雪樵遺稿卷之上

雪樵遺稿卷之上
詩
五言絕句
春祝

長我幾竿竹
綻我幾枝梅
願對梅與竹
尊壘日日開
壁畫四首

泉潔草芊芊
安眠飽食後
主家閑土多
能不服田畝
其二

見爾勞筋力
掣牽專在人
四蹄幸未脫
菊豆想陳陳
其三
右牛

雲從何處來仙袂空中舉我願與之遊丁寔煩寄語

其四

右呂洞賓

無我無非我人閑鹿自馴仙山瑤草綠相與度千春

右馴鹿

七言絕句

臨湍山城謝主倅李公曙惠魚酒公觸廢主怒以白衣

從軍西塞而編管此府時作

江雨霏霏午夢寒
覺來長缺向誰彈
一壺春酒深情在
更見嘉魚上客盤

奉謝主倅令公

晚得抽身簿領中
故園歸興且春風
郵亭連日支離雨
館穀慙慙荷主翁

春帖五首自臨端還後

青牛行色度函關
世棄聊能棄世還
谷口耽看春景

卷上

動得時花鳥弄雲山

其二

俗塵元不到雲閑梅信新從雪裡還
醅發床頭經亥酒崑崙終日對青山

其三

三冬積雪擁林閑一夜欣聞春信還
身逸時和邊塞靜不堪幽興惱溪山

其四

為啣王命向西閑俄喜隨春倦鳥還
時議欲饒林下痛杖鞋從此老丘山

其五

如海 天恩霈西閔 梅花欲發主人還 歡迎兒女牽
衣處 松菊猶存水北山

春川三首

畫閣飛臨白鷺洲 三山縹緲水雙流 神仙只自多官
府 不待招邀願一遊

右邀仙堂

其二

吳中千載一荒臺 佳句猶傳鳳去來 勝地此間天下
獨 只慚描寫欠詩才

右鳳凰臺

其三

次板
上韻

卷上

三

探勝何須訪五臺三峯咫尺眼偏開
今來芳草晴川上紫陌平生夢幾回

將訪五臺山故首句及之

右三山

春詞二首

人世誰知谷口春夜來
瑤草已抽新不須勤苦食雲
母待看蟠桃結子辰

其二

仙源水泮已回春
梅蘂初肥柳欲嚙
擊壤自同歌帝力
莊蹤不學武陵人

壁畫二首

凌霄逆翰政秋天
引頸遊心萬里邊
斂翮松梢休遠

勢應知一擊不空拳

右鵲

其二

仙姿已警露華清
叫月疑聞竹裡聲
霜隼蹲傍空矯
首似將雄猛較幽貞

右鶴

次彥誠

李金正
勸

韻

為報鵞朋載酒來
感君深款慰孤懷
風光易老佳期
晚無負花前三百盃

無題二首

詞壇戰藝籍彭城
宿將當時幾退營
玉署薇垣今脫
履深盃閑對小蠻傾

其二
次韻

春半無花不似春此間幽抱為誰伸
賴君攜酒勤相訪一笑溪邊發興新

呈彥誠二首

聞君對食彈長鋏不為吟詩太瘦生
八梢魚鱸五百鰈猶憑簿物寄深情

其二

沒馬埃塵十里黃搖搖征旆觸驕陽
秋來掃盡人間事擬訪松杉夾路香

次送昌期

歸田韻二首

舒卷惟知與道謀
簞瓢鍾鼎付悠悠
衡茅自得安心地
未信真侯勝素侯

其二

披霧猶違副宿謀
從來離合儘悠悠
只將四七相思字
憑寄南歸赤鯁侯

次成文

文濬

韻三首

奉誦惠韻詩思筆跡妙於前日
仍想宿病已祛英華尤發
和謝之外又以一絕強拙
申喜

悄坐空齋到夜闌
玉塵埋却碧巔峴
無人來共山陰

興寒落巖扃月下闌

其二

故山歸思久難禁抱病三冬木覓陰
冰雪滿蹊相阻澗何時對吐一般心

作久各一

其三

來詩吟罷頰生風洋溢清和想在躬
能使他人驚瘡癘暫時吟病不憂公

乞芍藥

廣陵奇品花名在曾見高園灼灼華
乞與幽人紅一朶十分顏色倍山家

花名在一
作說名花

觀禮 太廟次杜谷彥誠韻

騰空瑞靄夜還明
想聽交音衆樂清
純冕精虛來祖考
盈庭爭覩縟儀成

種盆蓮

閑中幽興在盆池
汲貯清泉擬綠漪
待看荷花高十丈
孤根莫道細如絲

牡丹

題品名花最牡丹
小堦留待醉翁看
祇愁榮落自朝暮
富貴人間豈久安

枯竹生笋

風霜高節已多更莫把榮枯道死生從此竒叢成鳳
實一軒梅月伴雙清

飲罷觀壁畫偶題二首

姜夢吉佩壺來同
正卿飲罷時作

迷途當日遠耶不非是翻然一轉頭五柳晨光瞻望
裡滿江歸興載扁舟

右淵明歸去來畱

其二

烟波浩浩傍雲林驢背幽尋路轉深匣裡我洋煩抱
去問君何處有知音

次子虛

鄭農圃
文學

石田韻二首

長鑿余托以為命理穢終令草自稀辛苦只要供伏

臆不論晨夕露沾衣

其二

力穡惟知勝讀書一年工業在燒畬有時任被傍人
笑危酒蹄豚祝滿車

次子虛紅白蓮詩韵二首

幽愛槐陰淨愛蓮小亭終日坐蕭然一池紅白花相
間各送清香滿酒前

其二

萬朶亭亭翠蓋長誰分兩兩淺深香貪看靜如紅莊
艷同氣相親玉雪郎

與人約會於流頭日竟不來題二首

虛檻風來雨乍晴池荷香動柳陰輕待君者向前山
夕宿鳥投林月已生

其二

佳期已誤夜已深爽籟時時生遠林月色正圓荷露
瀉思君不見獨長吟

次柳漢堦韻三首

一室爐烟着漸微無人剝啄叩柴扉厭聽深樹煩鴉
聒時見踈簷語燕飛

其二

青眼相逢坐小堂
雨餘虛檻自生涼
知君早歲詞源富
歎我殘年白髮長

其三

無穀荷花落又開
方塘一鑑絕纖埃
不嫌俗客臨門過
惟喜騷人冒雨來

次子虛韻

白也風流原也潔
善將醒醉較芙蓉
吾輩縱難追二子
亭亭猶不走塵容

挽金叅判

五首

巍科顯仕藉聲名
麟閣丹青荷寵榮
厚積於先方食

報天何棄速竟無情

其二

廊廟之姿席上瓊冰清絃直世無倫可憐未試調羹
手更為邦家哭盡臣

其三

日斜萱砌慘春暉忍看堂中舊綵衣
哀淚不收寬却處滿前蘭玉尚交輝

其四

追承先契舊通家生歲相同月日差
白首蓬麻心爛熯斷琴何意獨悲嗟

其五

窮鄉羅索信書稀
君病君亡了莫知
一面經年為此
別九原他日盡交期

李仲實

携酒將來訪中路
醉倒仍飲盡
即回去惠以一絕和而謝之

感歎深情載酒來
旋聞道上玉山推
鴟夷倒盡歸鞭
快清興何如雪夜迴

謝景三

李參議
省身

携三宋來訪

剥啄柴扉倦枕驚
眼擡其畔會羣英
三五濁酒槐陰
下却歎西峰日已傾

即事

午醉醒來催做飯一盃新麥一盃蔬為看暮靄千峯
色憑上高岡未盡餘

感秋

荷葉縱衰菊欲芳山人幽興此時長扶藜步出柴門
外西崦楓林已著霜

野酌

遙看蒼翠悵山幽展席前臨碧玉深野酌無巡忘去
路烟村處處晚蟬稠

書商山東軒

宰本州
時作

地隣洙泗潤餘波莫道江山似永嘉
百里淳風回太古日高鈴閣飲無何

詠柳

一樹春風萬萬枝嫩於金色軟於絲
永豐坊裡東南角盡日無人屬阿誰

玄宗

此詩意叔公退居也
是寓時寓意而作

玄宗回馬楊妃死雲雨雖亡日月新
終是聖明天子事景陽宮井又何人

次五峯東岳諸賢韻題貫天上人詩軸

師言奇勝春來最明月梨花有子規
直欲掛冠超世

網茅廬終向此間移

其二

鞭石誰能架作橋
十洲仙侶直相招
自歎凡骨終難
玩悵望蓬萊路豈遙

五言律詩

和謝杜谷兼柬仲申

二難五首

石路連三逕，雲林擁一丘。
尋真探地僻，選勝發天幽。
雙瀑看愈淨，孤峰望若浮。
何時清興已，落日更逢留。

其二

冠童人五六，攜酒訪山丘。
松檜林壑邃，雲嵐洞壑幽。
小蹊芳草合，晴瀑落花浮。
但知傳勝事，蒼崖醉墨留。

其三

每恐山居淺，尋源卜小丘。
金蘭同志尚，水石儘清幽。
富貴知誰勝，功名揜是浮。
考盤期百年，永矢此中留。

其四

常懷仍羽容宿昔夢丹丘猿鶴尋盟久烟霞托契幽
漁樵任天放軒冕視雲浮仙境只吾取誅茅計莫留

其五

窮達元舟壑古今只貉丘采芝行谷口攀桂入山幽
漸覺塵緣盡從袖世事浮隴雲堪自悅朝暮向人留

代舍仲正卿

匡國

時當三月暮身到小蓬丘琪樹世將老金沙草自幽
泉聲琴筑亂山影畫舫浮更愛清陰好隔林聽栗留

沙村會酌二首

前臨平野迥遠對列峯奇壺榼尋陳迹風光宛昔時
存亡漸客少潦倒甚吾衰欲說還多感悠悠付酒卮

其二

日日過從地東村又北村稻魚南氏棠梨栗白家園
物色隨詩筆山光倒酒樽浮生何足歎醉裡度朝昏

送姜積而

朝京

萬里滄溟濶九天魏闕高寸忱懸日月孤棹信風濤
杜覽期登岱雄心試釣鰲今朝靡及意猶不謂公勞

送李叅判

尚吉

尹全州

河南須借寇班輟小宗卿謔先朝老繁華故國城

隣疆傳舊政闔境振先聲未遠徵黃入行者闡通英
奉贈仲實世契二首

感舊述懷此取謂長歌之哀甚於痛哭者
也且有相愛相勉之意語不成章勿以詩
觀之

契分從先世誰知戒兩間平生久抱恨早歲夫豈顏
素識誠填海惟聞義重山青松今更指吾往不空還
其二

詩禮傳家業衡茅出世間幽懷三迭詠真樂一瓢顏
樹密庭堆葉雲深宅近山自多隣二仲相訪月中還

次柳同知_{景月}韻

慇懃長者轍來叩席門寒為感尊中醪聊探物外闲
微涼生綠樹古曲唱幽蘭浮世難逢處杯觴盡日歡

丫溪堂

在南都墨寺
洞即公本第

小屋終南下蕭然水石清寧從林藪隱自遠市朝爭
不願揚州鶴能吹葉令笙把酒看月上宜待蒲床明

次彥誠杜谷溪堂會話韻二首

遯世甘幽獨衡門賦卜居深盟托鷓鴣宿業在詩書
溪水觀流坎山雲閱卷舒他時董夫子三策莫須攄

其二

壺榼傾鄉里同登川上堂山容排秀麗水氣送清涼
臨澤龍涎滑探溪玉尺長竒遊酬勝地且盡酒千觴

次彥誠韻三首

一葉飄前夜稍知枕簟寒流光紛代序幽思苦多端
露重荷將謝天高月漸團請君頻載酒佳景轉頭間

其二

人生知有限何苦逐無涯祇愛村居靜還誇野興多
睡酣堆午枕夢斷赴朝衙日永槐陰轉閑看翳葉花

其三

擾擾人間世誰留隙駟奔不過百年容同作九泉魂

鳧鶴元天性鷗鵬只大言據梧吾老我玄牝養靈根

挽詞

七旬有餘歲享此古稱稀素麥諸城澤芝蘭一室輝
白眉傳世鉢朱綬映萊衣獨惜南陔養終天痛永違

次子虛韻

鷄黍生涯足田家分作勞永言期百歲久未夢三刀
鮑叔惟知我山公詐絕交從來戀戀意不獨在禘袍

挽詞

忘吾一日長隨子十年親鷄黍溪堂夕壺觴野寺春
霜蹄將萬里風燭條三旬忍見萱花悴難禁淚滿巾

次鄭德容韻

溪山尋舊約朱墨罷朝衙
林樹鶯初歇石田豆已花
推叩詩共和爛熳酒須賒
握手淹歸騎西峯日欲斜

詠盆梅三首

承旨
時作

我有盆叢玉人稱上谷梅
元非暖律坼自是獨芳開
花發春先至香寒蝶未來
平生同榻友何必慕銀臺

其二

勁節凌霜雪花中獨有梅
惟從翔翥肯向艷陽開
美合瓊瑤比香疑玳瑁來
還如萃羅女粧罷上吳臺

其三

身閑且地僻伴與此盆梅豈肯爭春
菽自知月雪閑
屏搖流影轉窓
暝暗香來把酒
摩挲賞殘花落
盡臺

七言律詩

壬戌七月望泛舟赤壁次彥誠韻

空明一棹泛新秋，政續坡仙壬戌遊。
天地無情波自逝，江山未老月空留。
英雄往迹俱灰燼，詞賦豪吟亦幻漚。
今日清歡屬吾輩，滿缸歌笛擅風流。

聞月沙

李廷龜

亦於是日遊降仙樓下有詩次

之二首

蘭舟巫峽溯清流，壬戌年回赤壁秋。
詞賦只懸天上客，歡娛何隱月中遊。
江山不改當時勝，鼓笛無從此夜休。
待得東方生曙色，仍携尊酒更登樓。

其二

李蘓殊世自同流今日來尋巫峽秋古賦新詩誰品
第飛仙明月共遨遊才高百代聲應并生後千年恨
未休從此江山顏色倍長留寶唾映華樓

臨湍山城呈主倅李公

從軍時作
事見上

京口西門據上游山河百二古津頭半天高壘連雲
起一面長城接海流地扼要衝憑壯鑰氣吞胡虜倚
神籌獨憐白首沉疴客空抱吳鉤臥戍樓

送宋叢伯

令公以冬至使朝

京

藩服玄黃達玉京選膺專對首群英一生忠信惟堪

仗萬里風濤不足驚刺刺肯容婢子語軒軒真作文
夫行迴帆應逐春光早共倒花前數百觥

次彥誠韻四首

疊嶽叅差二水湄谷深偏與懶相宜林霏靄靄雲常
住泉響泠泠日自逢堪笑韜鈴非宿業從前翹槩是
空知此間醒醉門長掩平地都忘有九疑

其二

朴西溪世堂註云此詩意蓋
言公偶往隣舍而李公虛枉

偶過隣舍理冠裳坐到林梢掛夕陽正喜杯盤逢好
友不嫌歌舞欠佳倡幽蹤只在雲扃裡高駕空勞石
路長莫道追隨名利客山棲成癖甚膏肓

其三

吾衰只自愛吾廬
龜策何勞問卜居
幽賞每尋山徑
留散蹤還與世情
踈時中賢聖頻開
甕不為窮愁強
著書翠竹紅榴
庭院靜池荷又見
葉初舒

其四

從來世事亂如絲
手理荒園分自宜
晚步苔庭山色
至午眠風榻樹陰
移已知放逸能娛
老何必肥甘可
救飢賴有吟仙三
逕近時時刮眼得
新詩

次彥誠喜

太宗雨韻

諺云 太宗朝有旱灾方
雨求禱未幾

非遐其日即雨此後歲以為常故俗謂
之太宗雨今年不雨已月餘是日大霽
彥誠有此作和之

當年旱魃似今年雲漢憂勤軫念專素野嬰茅方未
已鼎湖遺劍遽胡然精靈在上何曾泯甘澍如期自
古傳歲歲玄功知此日陟降前後不違天

聞李伯胤

以北伯赴界路由柯真製送

別章

弦矢東西絕黯然驛樓青眼已三年田廬閉戶蓬生
徑開甸宣風路接天平地難攀雲漢上舊遊空憶夢

魂邊沉痾孤負臨歧別千里相思塞月懸

次景三韻

寂寥吾道付蒼蒼一壑雲林任徜徉
危世漸知身是累晴窓猶得睡為鄉
地偏區外心仍遠戰勝骨中義較強
經月郊扉相訪潤莫辭今日沉霞觴

次景三諸友遊北江時和姜台老

詩韻

勝日芳筵展水湄汀花爭發柳頻眉
清波灑灑尊開醪玉尺縱橫釣捲垂
自恨沉痾孤請喚獨嗟奇事喜參差
錦囊佳句知多少慚愧踈慵附惡詩

贈彥誠用前韻

經春深谷懶巾裳寒落琴書到夕陽護竹護花如保
子耽山耽水若迷倡三杯濁酒朝醺足一枕清風午
夢長屢枉車騎稽問謝仍知一疾已膏肓

挽李尚書

光庭

際會清明舊蓋臣早聞冠佩畫棋檠金犀章秩身雖
貴冰蘖襟懷室益貧壽斲髮期天不慙望孤台鼎世
難詢鯨生叨遇由先契哀淚公私倍滿巾

挽成滄浪

文濟

谷口生涯屋數椽堂松溪水是青氈學傳詩禮趨庭
日治本絃歌宰邑年白首相從申晚契黃梁未熟隔

重泉披吟晴雪嶺
玩句衰淚難堪落滿牋

挽詞

少時聲望冠群賢
素筆寫坡釋褐年
苒苒風塵無寵辱
喑喑晦雨豈推遷
金章異秩齊卿月
鳩杖高筵擬地仙
邦國正須遺一老
飄零喬木奈蒼天

挽李生

之後天
弟

中散心交閱幾齡
新阡宿草久吞聲
嶄然幸復耆頭角
宛爾時猶慰典刑
華灼樞天冠甫弱
光飛石火夢旋驚
慘悽鏡裡孤鷺影
何況萱堂鶴髮星

挽李東萊巖

曾聞獻納古遺直秦晉連姻吾見孫儒雅傳家敦舊
德丘園守拙閉柴門弓旌未覩來深谷石火還驚隔
九泉百里臨湍違執紼向風遙洒淚千痕

挽宗室寧山君

吹惹遊戲駱山前一夢追思五十年早踐源流連積
石晚聞勲業上凌烟垂維浮世違青眼荏苒飛光歎
白顛今日新阡驚已卜歌成薤露涕潸然

挽韓景張

親參判天資表德而當訪問者

肩隨里閉自髻童非獨連姻臭味同久仰危言昏亂
際常勞遠夢別離中高名遐福收宜厚宰秩稀年享

未豐執紼今宵寬抑處家庭寶樹蔚成叢

也足窩

在積城沙村里即公別墅
當昏朝退居于此者五年

為澆花藥曉開門杖屨常留草迹痕百歲身謀知落
落三盃卯酒到昏昏雙飛燕舞巡簷亂兩部蛙聲隔
隴喧也足餘生無外慕心齊吾已制猿搦

次杜谷韵詠花卉

山靜身閑日自遲此間真味少人知篁叢已挺穿雲
質梅幹新抽傲雪枝溪柳巖松相掩映庭榴堦藥互
參差餘生足樂還堪媿曾折長腰向小兒

題荷真

掩映茅簷綠樹稠池開明鏡貯清涼朱華灼灼香風
度翠蓋田田靜色浮幽態撩人供嘯詠貞姿絕世窈
朋儔一其相對無窮趣小說更向漁翁求

詠萍

錦鱗密密莫容鍼帶葉連根不計深常與白雲爭水
面豈容明月墜波心千條雨線穿難破萬頃風濤滾
不沉多少魚龍水底舞漁郎無計把鉤尋

旅宿書懷

羈枕偏驚雨落堦淺深東海較悲懷寒聲又雜三更
鴈歌吹還聽兩部蛙衰髮遠遊何足歎窮途壯志轉

多事時時劔氣衝
斗斗歲久應非塵
土埋

尚衣院稷軸

朝朝跪進翠雲衣
步武聯翩近瑣圍
劔待朱生攀檻
請歸教王令化鳧
飛官曹幸從中興
威末路偏傷後
會稀珍重畫番留
面目老人衰頽亦
光輝

也足窩用丫溪堂韻

此詩載於續
興地勝覽

解綬歸來月正三
閑中春興轉難堪
禽聲上下眠初
覺花影東甬酒半
酣已向深山成逸
老何須滄海載
童男只緣慙闕心
猶在片夢瑤墀趁
曉參

無題

此詩意疑公送家侄
變還清州定坐山
里且公別墅亦在
茲地而公赴京還
後

不得歸去
者必屢年

薄雲寒日淡無光
匹馬悲風錄水長
半世孤樽空對
臆一生離別幾沾裳
丘園梓木堪重把
客旅孤裘已
四霜萬事人間頭
自掉却將遺業要君揚

蔚山

公許時宰出
補本縣時作

郭外青蕪際海平
群峰眼底劍鏗橫
且看物色常千
態莫道官屋只數楹
迺拙在慚紆紫綬
星霜空自變
黃鸞乘槎直欲窮
溟渤唐突猶堪試
駭鯨

三友堂

李之忠別號
公即其孫婿

題僧詩軸

獨來蘭若聽寒鍾
樓下清川畫日春
露浥菊花金作

藥霜酣楓葉錦成峯一心如不懸毋闕此地何煩慕
赤松留宿 公吟短律愧無工部 詞鋒

次鄭德容韻

後前蒼岳與清流蘿逕雲林一壑幽簪紱投來知綽
綽烟霞棲處任休休松梢露白初收暑山角雷黃已
有秋相訪柴門饒逸興青眸不但慰離愁

雪樵遺稿卷之上

雪樵遺稿卷之下

詩

五言排律

次柳同知十二韵三首

比來苦炎旱赤似火龍昇昨夜逢佳雨今朝洗鬱蒸
雲埋山積翠巖漲濕飛層處處脂膏遍家家喜頌騰
太平欣有象薄劣愧無能只願歌舍哺誰知忝伐冰
衰容牙齒缺短髮雪霜鬢仰接風流在還令氣槩增
詩篇觀若海酒席罄如渾陶令心宜遠西河義自勝
會須田養棗莫遣玉污蠅試放蘓門嘯仙蹤躡老登

其二

既雨晴還好朝來旭日昇微生風籟爽頓掃火雲蒸
自愛山家僻何須綺閣層席依巖溜落杖拂澗霓騰
却憶持州板多慚短吏能迂踈顏甕汗憂惝飲堆冰
局促星霜改蹉跎鬢髮鬢解歸嗟已晚衰病覺仍增
洞壑饒泉石酒肴匱址渾貧屋那足恥幽興轉難勝
夙慕棲梧鳳誰知聚肉蠅孤亭臨絕頂日日與君登

其三

世途悲迫阮鸞背慕飛昇九骨知難疏塵炎覺已蒸
晚尋翠微住常近白雲層樹密庭陰合簷虛谷霧騰

懶殘甘遯伏，經濟付賢能。
東郭昂霄鶴，邯鄲出壑冰。
最欣簪忽盍，獨惜髮空髻。
壺榼深情在，歌呼逸興增。
自然同臭味，誰復卞淄渾。
酒戶慚非敵，詩壇敢較勝。
清飈動松竹，爽籟辟蚊蠅。
只願佳遊續，孤亭更一登。

次柳同知聯句八韻

南郭林棲僻，還同出世人。
隴雲看自悅，巖瀑聽愈新。
詩句慵難強，壺觴老更親。
幾多濡首醉，時効捧心頻。
嘉客簪方盍，芳瓜味正珍。
花開非較晚，軒過莫辭頻。
慣是門羅雀，誰知帶綰銀。
招尋遊物外，遠隔九衢塵。

完平

李元翼

几杖宴十韻

宅揆歸一德翊望應千年引疾身雖退垂恩席屢前
殊榮揄盛典勝事敬華筵尊俎侈光祿冠紳儼列仙
聯行皆耆俊將命是承宣端合騰歌咏休誇滂管絃
亨屯時運赤傾否世途遷黃髮還朝後蒼生屬望先
柳公家雨傘晏相豆豚肩几杖宜安逸免教國步顛

七言排律

奉和柳同知無柬趙侍郎希逸十四韻

靈籟生庭拂面吹正當甘雨乍晴時騷人漸看蘭滋
晚醉客休歌豆落箕酒瓮招尋欣款洽詩筒往返愛
文詞常耽卧榻三竿日誰送舍風八尺漪幸被深情

容薄劣時承緒論吐高竒林丘不願軒車簾花月何
辭几杖隨離濶東南空積歲推擠前後各分塵幾欽
齒髮今猶健自歎頭顱久已知一飽從來緣有數百
年那更逐無涯交親又得瀛洲士艱險曾同世路崎
懸鏡骨中明若水揮毫紙上疾如飛形骸放浪真堪
樂巖壑遨遊孰敢詭斗覺獨醒為衆忌須教痛飲是
吾師紛紛萬事浮雲外坐到溪堂夕照歎

五言古詩

村家早起感懷

晨起悄無事杖屨出柴門四顧絕羣音塊然坐北軒

新涼一夜生草際露華繁荷殘已倒池楓染欲粧園
水田晚稻齊烟樹寒蟬喧感歎時序廢幽懷悵誰言
小少師孔周遺篇究淵源乾坤吾父母至訓服證頑
顏焉余中立同胞視黎元兼善在自修條達必厚根
勸勵若不及矻矻窮朝昏蹉跎違宿計歲月空波奔
五十已無聞秃翁今抱孫即此甘靜退畢命依丘原
物態夔憐絃世道鳴咻鴟身後名百世生前酒一尊
輕重較誰分可與知者論

次秋懷詩十一首

多感不待秋生平抱深警報國力當竭奉先思且永

水蘩勵清苦絃韋濟寬極致遠悲白日汲深慚短綆
多病誠可憐守拙亦云韋只保巖棲靜庶幾塵慮屏

其二

陰雲作秋霖日月埋光景寒雷夜猶亂虛窓曉未開
無端染室憂遠念開塞梗虜庭不足犁戎馬何縱騁
終軍固奇士千載纓無請

固奇士一作死已
久無請一作誰請

其三

古今治又亂日月明或暗此理孰使然天地猶有憾
玄奧誰問詰高厚徒覩瞰太始本無為大味只在淡
朴散澆俗滋滔天始觴濫淳風孰能迴力挽亦不暫

紛拏劇悍馬奔放甚快隨置之勿復道黃庭且校勘
涼風入書幃有酒傾小甌

其四

門巷悄無人竟日坐空軒風吹山果落童穉爭追奔
寒蟬咽不已客主兩無言瓦尊有濁醪呼僮使來前
酌之用大觥充腸當午餐須臾客辭去案上閱塵篇
古來賢達士何止億萬千骨朽糟粕留使我增悲酸
露滴夜將深重鳴攬榻眠寤歌時自語邁軸過百年

其五

井桐生微涼庭槐葉欲乾
數叢塔下竹琤然響琅玕

八月三五夜獨賞桂影圓坐久念夙昔多苦常少安
采菊度林藪采蓮涉波瀾挿髻雖自妍流光劇走丸
從今始却掃款段不用鞍

其六

手自理荒田將看禾蕝蕝未生一何稀草長殊未已
烏烏不須歌獨吟還熟耳偃卧茅齋下庭樹寒聲起
中宵空歎息古人誰我似讀書已無成耕田亦難恃
詐能立脩名但恐混塵軌更當利罽毳亦有法喜

其七

草木春夏際不分榮與悴秋霜一夜下雖披共委地

松柏孰扶將獨也青自恣豈緣栽培厚自是稟受異
宣聖歎後凋韓公不知貴

其八

我生生已晚懷古思漫漫三盃濁或清一盃蘇與飯
泌洋真我取帝鄉非吾願四時自流轉不用長菽歎
悠悠處世日長短只三萬堪笑楚和氏三削玉乃獻
騷人亦何為逢秋苦多愁

其九

披衣坐一室霜氣曉淩淩未遽踈團扇無意掃寒蠅
息情竟難絕窮縮更何憎開戶見遠峰剛耿石骨稜

南溪魚已肥亦可施我罾清時惟有味聊此容無能
其十
菊茂傲霜威荷枯留雨聲物性有堅脆時序自分明
天運孰主張萬化由一誠陰陽迭消息日月互虛盈
叅三人最靈心胡生五兵須知滿則損莫慕復為榮
搖落亦奈何造物亦使令

其十一

我悲秋序至誰謂秋光好菊開常恨晚荷衰常恨早
碧梧與綠槐紛紛不自保白頭對黃葉悵悵同枯槁
渺渺望美人余懷向誰道

次柳同知雙韻

人間有生死物理無成敗徒知勢利倚天以紛爭起
達識竟誰是世道歎傾否一丘惟杖几萬事皆掩耳
仙山閟石髓深谷爰泉水寔曳雲中屣眼豈青白視
五馬曾非喜三黜今何恥憂患粗識字棄擲安素履
肯逐少年子輕肥耀朝市乾坤付醉裡誰人記名氏
請觀未有始休論指非指常欽老學士明堂村杞梓
逢暮後糠粃蹉跎困瓊璣軒冕倘來矣壺觴聊復爾
紫芝慕黃綺食豈必河鯉風儀使我跂邁軸期久俟
能令不崩鄙感歎真余羨酬唱邦近似雄篇誠罕比

幸茲接仁里時時枉芳趾
菲詞報知己其奈媿瓜李

挽任疎菴叔英

人世因大夢君亦夢中人
如何夢苦短使我心悲呻
君應厭甕盎乘雲上蒼昊
久矣未也謫始知去也真
他日玉棺飛早晚定何辰
相訣在今夕送爾一盃春

七言古詩

次柳同知苦旱韻二首

聖主憂勤日復日求回至治甚
飢渴奈何犬羊肆侵突處處尚
毋郊原血兵戈未熄一征怒
干羽徒煩兩堦舞萬姓嗷嗷
鋒鏑餘未立三百餘州府前
年大無

今大旱歲歲滌滌吾東土持男易粟且莫道人傳相
食子與父朱門糜戟卒毗子酒肉猶難誇侈靡堯湯
水旱古亦有書生疑惑無時已帝眷聰明元后作宇
內蒼生都界托臨高赫赫鑑孔昭在上明明宥不暴
吾王盛德邁千古六馬朽索心常慄遺黎靡子大
命近報應茫茫誰辨說蒼蒼不緣天此醉示警應知
仁愛極索林今又及躬祀上徹豈無休徵若從未轉
移捷影響此言非諛亦非鑿老夫亦是民之一共沐
洪波魚脫涸與子携酒赴前期快倒青林復奚疑慰
谷三農且洗甲請君無賦江漢詩把盃爭相賀豐登

醉中更何曾魄
磊仍將旱魃訴
真宰真宰不受
投界海

其二

君不見周宣中興日
雲漢昭回百川渴
又不見唐宗克復時
炎天日色赤如血
旱魃肆其怒商羊不
敢舞
虞師張火傘雨伯藏
水府草木盡焦枯
鋤耨不入土
三農望已斷四野
泣田父哀哀我赤子
填壑子遺靡
廟堂有賢相日夕憂
未已霖雨豈不作活
民終有托
神龍不須鞭虺巫不
須暴我頤
君王修聖德恐懼
不鮮心慄慄桑林青
躬真可法禁中禱雨
安足說蕩

蕩遵王道巍巍建皇極錫爾無疆福雨暘自時若霈
澤及萬民萬民樂耕鑿嗟汝東海之波神不向莊生
訴轍涸幸與溪老同襟期得錢沽酒不復疑臨流賦
詩且酌酒片雲頭上雨推詩與子傾百卮肯中洗硯
磊舉酒謝真宰滂沱注東海

前後朝天錄拾遺

前而宣廟朝壬寅以謝恩使
鄭賜湖書狀赴京後而先海朝

丁巳夏以于秋使赴京時昭作拾遺者終
以仁廟朝巳巳秋以賀節使赴京而航
海不返故此行取作則不必緊見悲夫

詠路柳

薄暮紛紛雨脚齊官途處處柳枝低濃陰猶帶三春

色翠影長籠十里堤亂拂征鞍渾遠近藏遮盡閣眩
東西客行已發依依路歸日應驚白露淒

贈館妓四首

爭誇眉黛遠山橫獨步梨園各擅聲仙袂照翩鴻並
翦妍容依比月雙明蕙心蘭質均妖冶燕瘦環肥孰
重輕嘆子雖同持餅手此間娛樂亦風情

其二

艷質芳姿又妙年聲名藉甚淇江邊妍華爭處羞顏
澁寵愛專來巧語圓歌板調鶯聲裊裊舞衣回雪影
躑躑良心自此無三二莫內河魚江在前

其三

惜別還憎江上舡一分絃矢杳雲天數聲哀怨歌三
疊半日留連酒十千紅淚還看添綠水玉山先自倒
華筵誰知以後相思苦夜夜羈窓擱未眠

其四

分離莫恨隔東西物理由來得喪齊玉節非緣臨遠
別花顏那解掩嬌啼懽迎不久尋芳約愁惱終須轉
醉迷跌宕風流應藉甚新詩還向錦裙題

通州

粉堞臨江瞰杳茫盡舡無殺豎烏樁津通萬里連天

遠波接三閩竟海長蜀果家家供客饌只醪處處勸
人嘗皇州信美非吾土矯首難堪憶故鄉

朝陽門

乾坤千載繞燕城重入脩門舊識名九陌輪蹄迷瑞
霧萬家樓觀接雕甍曾遊已慣觀周樂今日來輸拱
極誠飽見皇居佳氣象還欣際會屬清明

登望海亭

鯨波澄碧一望平時聽潮頭送遠聲遮莫狂胡時近
塞皇靈非獨恃長城

題遼陽客館二首

駟馳南北半吾生前度星槎又此行征袂何時辭故
國秋風忽已動邊城關河雉堞胡山近都護營屯漢
日明手裡舊縑今尚在空將白髮恨難平

其二

海山前後控提封畫閣空中秀色濃指點青徐晴浪
濶望迷蓬島彩雲重窮荒未許迺吾目寸挺何勞制
虜衝半日登臨超拜表拍肩仙侶永相從

奉次芥田

寄竹屋

韻無東東館兩

兄

襟懷非子向誰開隨處連床笑語倍堪歎木瓜時報

玖還漸布鼓屢逢雷一年為客黃金盡萬里思家白
髮摧近阻墻東同病侶相將朝暮倘頻來

奉和斧田惜別高韻無束竹溪

趙應

竹屋兩

兄

征鞍始卸暫時休留滯皇州尚驛樓文令即今吟病
渴虞卿元自飽窮愁一聲賓雁驚秋晚千丈霜毛歎
歲道握手相忘惟有酒也能賒得典鷓裘

朝退二首

冠佩趁陪玉帝朝却欣藩鷄上層霄龍樓佳氣連仙
仗鳳沼清流出御橋瑞日影浮雙闕迥鈞天聲在九

重送歸來欲向傍人說其奈難摹景物饒

其二

鍾鳴長樂趣晨朝闔闔雲開望紫霄天襯承明擎玉
柱波連太液卧虹橋龍墀地禁瞻依近蹀域誠深貢
篚遥禮罷大庭分曙色香烟携得袖中饒

觀市

蛙沸街衢市語譁汚人塵土滿衣冠綉屢泉貨金錢
溢珍寶山筐玉液寒利鏡錐刀誰得兌囊空羞澁本
難干愁骨磊砢須時澆試覓壚頭酒旆竿

九月八日有懷二首

迫促嚴程四牡馳
衡茅終歲阻棲遲
病侵羈旅人誰
問曲奏峩洋世
莫知毒霧方思少
游語清秋偏起宋
生悲鵬博不必翔
寥廓自分鷓鴣足
一枝

其二

光陰難挽隙駒馳
白鴈林中一札遲
歌苦歸來長鋏
在露淒庭宇弊
素知市聲終日塵
詩興虫語侵霄攬
客愁律節故園吹
帽迫茱萸依舊去
年枝

和竹屋三十韻

排律

佳氣皇居壯
高開數仞墻
承音持玉節
通籍通明光
流茅秋將晚
異邦歲已強
再遊知去路
三宿戀依桑

聖帝同堯舜洪謨邁禹湯衣冠皆漢制禮樂盡周章
少海重華協青宮毓德芳河清當令節電繞賀元良
壤奠從東服葵誠拱未央下臣徒齷齪老髮只蒼蒼
征路朱炎苦郵亭白露涼幾多愁館穀猶不主豹璫
自幸瓜包杞還非穎脫囊緣何諧衆女免被妬新粧
鴨水東流遠問山北走長邊風捲旌旆寒雨洒衣裳
歷遍關防地淹留戎馬鄉紕紕常拱禦威武素飛將
石帚傳遠右薇歌認首陽義聲橫宇宙壯志掃撻槍
竟齋難封恨長流未泯香燕河窮浩晶薊野度蒼茫
象魏瞻岵兀嵩呼頌熾昌五雲金作闕一水玉為塘

孤峽雖酬願萍蓬轉覺傷家我吟弊絮時節欲嚴霜
賴子同羈榻披襟對小房瓊瑤驚溢目瓜李報承筐
莫浪悲征役直宜觀呂梁鈞天終驗夢長侍玉皇傍

次韻

軒窓飛鳥上客子雨聲邊南北勞于役行藏昧在淵
此身愁老病能復任嘉鮮萬里當歸路憑誰要贈鞭

次鄭士朝

韻

征旆悠悠別恨長休論勝敗酒千場青山欲暮離尊
盡回首東陽更渺茫

途中偶吟三首

一夢追思二十秋
弊貂行色此曾遊
西風乍起重過地
昔日朱顏今白頭

其二

搖搖玉節道委遲
到處殊方攬客愁
暗羨歸程猶萬里
故園孤負菊花時

其三

駸駸節序水東流
一夜驚逢異國秋
蝶海茫茫何處是
征車萬里獨回頭

祭文

祭鄭奉事若文

惟靈溫溫令人豈第君子仍心孝友秉之禮義家居
道肥士友攸服才莫世施夫豈或乏沉于下僚寔命
與時萊不幾年鶴吊纏悲適丁大亂為國喑噫私以
義屈不知者疑有志頓呻萍蹤南北云胡一疾遽爾
不淑仁孰無壽為善者惑嗚呼哀哉蓋棺事畢夫復
何言年光四十人世浮雲齋郎酒局官遂不遂又棄
之年天乎難恃子平

遭亂青鳥纜卜爻外

已矣諸孤淪落言念及此悲來填臆嗚呼哀哉曰吾
先人契托饒密申以婚姻永言膠漆自余髫鬢濡染
耳目及耄取怙謂公可倚公之至此重我孤瘁余有

既質果誰指之余有既扣果誰示之嗚呼哀哉宿草
新阡孤封寂寞悲風湖外羈魂飄泊空隴千里懸劍
無路靈筵此夕敬奠鷄絮虔深物菲侑以蕪辭神其
不昧庶願享之尚饗

祭趙掌令文

識面雖晚托契最深襟期相照與同外沉公在長沙
匹馬追尋披霧累日共榻連衾參商幾年遽至永訣
常懷往事悲來填臆日月重新忠藹始白一封猶在
九原難作今來問舊遺業無托掛劍空隴墳草已宿
吞聲抱哀敬奠一酌尚饗

祭歛谷縣令

金克

文

此以下兩文按
鄭開東時作

嗚呼昔歲壬午四十年前俱為髫齡遊學聯肩我猶
砥砢君比瑚璉忘形投分矢不相捐穎葉之暇昕夕
追逐一日不見謂如三月及乎長成中罹世故參商
幾載魂夢徒苦有時邂逅宛如童稚乍對眉宇先吐
肝肺時命難料嘆君瓊屈蘊璞莫售守雌縣綬余忝
按鄆適此封域雖慚批前擬襲蘭薰巡宣頌左已戎
征轅白頭青眼屈胎訐日中途訃至驚呼欲絕未展
良覲遽成永訣靈輜既發來迎路側故人侑文靈其
知否班荆良久誰與叙舊低仰丹旄尚疑別袖臨歧

一哭萬事已矣敬奠菲薄庶歆頤只嗚呼哀哉尚饗

遣軍官梁謹祭李元勳

安峽士人

文

嗚呼宣尼脫駢賻喪舊館韓信千金酬恩一飯情義
取發聖哲遺則無微不報况於大德昔歲壬辰死豕
蒲國十口靡依死生呼吸縱有親舊相視莫救而我
於公分無雅素蒼黃投竄適近公閭偶爾一見為余
唏噓班荆吐話示以慇懃畚生避死指授良勤闢其
一壙許以爰處嘉蔬精餐陳饋朝暮危途獲全賴有
今日恩深肉骨豈云易德銘鏤肺肝逾久逾篤兵戈
七年流寓南北一問莫脩情事多闕及公之喪亦未

馳哭丘山義重絲毫報茂仰思古人心實愧慙今叨
按鄴適此封內墳草雖宿擬展一拜又緣病故代未
及瓜終違素計瞻望咨嗟含情替人敬奠菲薄魂乎
不昧庶鑑衷曲尚饗

祈雨祭文

時穿金城

惟天惠民神輔相天職司雲雨億千萬年澤普遐通
莫非甬極民今無祿喪亂孔棘荷戈八方懸磬萬室
已矣生靈哀此艱食冀神眷顧誕加陰隲使飢而飽
既骨乃肉云胡亢旱於茲又厲種者拋鋤耕者釋耒
夏既告荒秋復何賴耗數災迫大命近止念惟太守

叨忝百里不媚于民于神獲戾罰躬是甘寧遷厥怒
危辭懇祈庶垂降格為期三日興雲霑洽無良守土
職維分憂尸祿及尔未浹三秋焉能百無只一過客
猶念民飢若已推壑矧惟明神永世安定神人相倚
與得休戚遺黎靡孑神亦誰托神豈不聽厥理甚明
其虔其徐疾惠其寧尚饗

祈雨祭雙鶴淵

在通川

龍神文

按節開東時作

深茲九淵神靈攸定興雲澍雨施普潤物頽慚不穀
叨主一域冀獲神佑宣布王澤哀我斯民久罹毒螫
工帝取矜天人伐虐拯于塗炭庶奠衽席奈何于神

灾害荐疊往年極備污萊稼穡民令填壑旱又斯酷
時當長養炎赫彌月麥秀而枯禾苗而痒大命將近
西成可望餘黎靡孑不但流止下情莫叩邈乎彼蒼
神鑑孔昭敢敷腎腸九水七旱或在堯湯千載傳疑
真贗難詳作善降祥厥理甚彰 聖今有作神人膏
悅八域庶徵宜見時若而示之咎胡能無感謂神不
聰終難辨責自念觀察廵宣失職獲戾于神降茲殃
罰實甘于躬彼民何罪神司發育稟承于帝特需甘
霖于數千里蘇枯活飢荷神之休惟誠是將無作神
羞尚饗

箋

賀冬至箋

孝思維則聖心克篤於百源福祿攸宜休命聿申於
七日 恭惟 主上殿下穆穆緝

熙皞皞在疚萬姓仰深墨之色庶幾無疾病歟一德
受昊蒼之符宜有既扶持者

伏念臣製錦才疎獻芹誠切改賀為慰講禮
縱愧於宋儒如父事君貢忱恒馳於魏闕

賀 誕日箋

此以下兩箋按節開東時作

五百年膺運方回虹電之期一千歲為春用介岡陵

之壽臣鄰同抃黎庶載歡恭惟主上殿下仁孝日
躋聖智天縱恭亨謹蒼素之戒已臻垂衣之治劬勞
誦蓼莪之篇恒切負米之痛神益勞於夏服休用申
於誕辰伏念臣歛遠宸圍四守藩職無絲毫裨補
仰答生成與天地長久只伸頌禱

賀平造賊箋

天地猶有取憾焉方痛梟獍之稔惡刀鋸正為此設
也忽聞鯨鯢之訕誅憤洩神人慶行宗社恭惟主
上殿下運濟中否志奮大為多艱興邦苗格已勤於
舜觀殷夏啓聖去邠遠出於垂衣旋見挽河之雄威

益觀轉乾之宏烈伏念臣位叨授鉞功微執爨笏空
在於司農雖慚素志節既持於屬國只勵丹衷

雜著

紺岳陽書堂會文

古之為士者肄業焉藏修焉皆有其取而必求於山
林靜散之境蓋處喧卑則易混於囂塵居幽曠則自
致於清爽其取係固大矣今吾儕少而莽鹵長而推
遷常恐虛過一生庶叔素榆不能無萬一冀結茅山
中讀書講磨之計非一二日矣屬於紺岳之陽見山
脊逶迤南走而止其下有一小丘低平開敞可數十

畝層秀疊翠聳于傍者孤峯峭屹而立也鳴玉清澈
會于前者雙流左右而至也巖石蒼竒松栢布密澄
潭懸瀑映帶東西其蕭洒瑰勝之趣難以一二言雖
與名區之稱於世者較其甲乙必不多讓矣誰謂十
餘年求之而不得者得之於家園咫尺之間以償平
生之夙願也哉抑此地之蕪穢於榛莽荆棘之中者
不知其幾千年而今日始發於吾輩或者天公之有
待而餉我之不薄也歟倘得架屋數椽朝夕棲息于
其中則與目謀與耳謀者只是蒼秀之色清泠之聲
而一毫之塵念邪回不敢累我之靈臺矣聖賢對越

于黃卷冠童風詠于清流工夫靜專肯次洒落畢境
造詣之功不期深而自深矣其視汨沒塵白尋行數
塵唇腐齒落而無所得者奚啻如黃鵠之與壤虫者
哉茲與若干友生不計鳩拙將營精舍三間當於某
月某日間起役亦不敢私而秘之以告同志之君子
且待可畏之後生如以為可各隨力以助工役如何

也足窩上標文

知足不辱旨言常服於古人容膝易安小等粗完於
今日蕭然環堵雅矣菟裘也足老人山林不材社櫟
無用追榮期之三樂意絕外馳慕孫昉之四休分甘

自守偶玷人間之鷓路久寒物外之鷓盟半世王尊
之乍倭乍賢從來趙孟之能貴能賤陽春白雪和彌
窻敢曰曲彌高潰座舐痔得愈多實慚治愈下幸及
初服欣遂始心多病謝簪紳更何駑馬之戀豆素志
在林幾悠然倦鳥之知還某水某丘盡是遊釣之舊
迹維素維梓久矣瞻敬之遺基占一丘於牛鳴關三
畝於龜食岡巖據盤谷之幽阻川壑帶商顏之逶迤
紺岳平臨陰晴幻烟霞之態義峯近挹朝暮呈紫綠
之容杭林二頃田窻須負郭栽種十年事僅獲成陰
桃李列藩籬之形園池得高下之勢泉流濯潔咫尺

南溪畦畹躊躇尋常北陌茅蓋秋崖之一把屋構玉
川之數間真可養於淵明陋何妨於夢得依稀邵堯
夫之斗室彷彿歐陽公之舫齋地絕囂塵稍勝晏宅
之湫隘制殊飛葺乃安周雅之寢興一室有以自娛
萬鍾何加於我名不隸於征伐任取林下棲遲跡既
遠於市朝叔頌山中物色濁酒三盃彈琴一曲叔夜
之願非他槩題數句侍妾百人孟氏之視已頽芒鞋
竹杖興酣溪山布被藜羹氣塞宇宙陶陶難向俗人
道于于獨與造物游窓畔蒼髯竹友梅兄不必平泉
之異卉几上黃卷國風左氏焉用鄴侯之多書清風

有時來自是乾坤義暎朱門郡及睡恍然世界華胥
足乎樂乎餘生優哉游哉卒歲茲申謠頌用相工師
拋樑東羲輪飛上碧波中先射祥光寒谷裡四時無
日不春輶拋樑西萬里崑崙望轉迷遙知若木萬千
丈想聽枝頭彩鳳啼拋樑南寄傲晴窓倚半酣待得
夜深看壽極不徒隆古有由聃拋樑北茫茫窮髮大
鵬翼扶搖九萬真秋毫何必番南六月息拋樑上仰
視蒼蒼天宇曠分明白日照吾心風月千秋無盡歲
拋樑下屋漏要須無愧也逍遙偃息於其中誰識雲
林獨樂者伏願上樑之後靈芝須挺三秀喬松會長

萬尋玄圃璠桃結成庭中之實丹丘仙鶴來作園裡
之禽群兒戲前永保百年倚枕良朋盈座莫使一日
俱五瓜芋滿熟西疇帝豹遠渡東海富春滄波垂釣
長對客星之高懸武陵流水飛花常令白雲而深鎖
神仙豈獨於天上富貴有真於人間

雪樵遺稿卷之下終